





CONSIDERATIONES

Circa Electionem futuri Regnantis.

Ongaudeo tecum, Charissima Patria, de eo, quod
habeas Domi tuae non solum decora ingenia, sed etiam ab extra numeras
Coronae Tuæ alti sanguinis Competitores. Olim erat, vacante Sceptro,
Concivibus Tuis præfigere stadium; qui perniciati equorum confisi, il-
lud decurrerent, braviumque Coronæ acciperent. Sed cum in stadio illo dolum & a-
stum deprehendisti, per infixos ferreos clavos, qui cæteros læserant equos, uni soli in-
offenso tramite relicto, amplius barbarum sequi noluisti morem, quem à Peñsis quon-
dam mutuasti, seu in cursu, seu in hinnitu equorum, seu in ortu Solis, Principis repo-
nendo Electionem. Ergo te ad prudentiam humanam, quæ imitatur providentiam Di-
vinam, convertisti pluribus jam a sæculis; hanc quandiu coles, astus & dolos vitabis,
& serum evitabis pœnitere. Unde Magnos Principes, si qui Tuam ambient Coronam,
humanissimè recipe & audi, & maturo judicio expende. Generis claritudinem, si cæte-
ra non adsint, cave: vel si adsint, & tibi non quadrant, dimitte: claritudo tua tibi suf-
ficiat. Olim Premysliæ ortos Aurifices, ad Sceptrum assumpsisti, nec te pœnituit indu-
stræ ejus. Postea Crusvicia dedit Piastum, alias Rotarium: ejus te pietas & liberalitas
traxit. Quatuor sæculis hæc Domus imperavit gloriosè: sacram induxit Religionem,
Majestatem Regni, & Senatum legibus fulcivit. Assumpsisti Bathoreum, Virum origi-
nis Nobilem, virtute Transylvaniæ Principem, tandem & Poloniæ Regem gloriosum. As-
sumpsisti nuper è medio tui intra æqualitatem natum, benedixit ei Dominus; sub auspi-
cia ejus ibant Augustarum Familiarum Principes, Imperatorum progenies, pugnarunt
gloriosè, & triumpharunt de hoste Christianitatis: Polonia verò viginti per annos No-
minis ejus Avito sub Umbone vixit. Ergo magnos in Principe noli querere Natales;
quemcunque in Regem elegeris, uno minorem Christi Vicario in Throno locabis.

Proinde his vacua curis, Virum quære, quem olim Romanus destinabat Senatus,
scilicet: ut non timeat bella, nec provocet; qui si enituit in bello, non obsolecat in pa-
ce; quem si Toga honestat, simul & Sagum. Nam si fuerit tantum militari gloriæ pa-
stus, enutritus, bellum ex bello seret, aversabitur pacem ut pescem; erunt manus ejus
contra omnes vicinos, & vicini ejus contra eum solum. Sic Respublica succumbet, nec
gustabit pacem, quæ una triumphis innumeris potior. Unde sit cum venia dictum,
Magni olim Bellatoris Principis Condei, & Serenissimi ejus Nepotis de Conti, quod hic
Sangvis Regius nunquam potuit, aut voluit esse Togatus. Quod non potuit, ratio sum-
ma: quia Togata Nobilitas in Gallia est classis secundæ: Nobilitas Sagata, cuius Caput
Monarcha est, prima est, inferiorem despicit, cuius Caput Cancellarium Regni autuimat.
Hanc Tribunalia Regni regere, justitiae præsidere, tractatus pacis, jura Regni, proventus
Regios gubernare, militarem gloriam solam præ oculis habere: Sagatam Nobilitatem
bello invictam, armis indomitam, morti impavidam, periculis gaudentem, in arma ru-
entem, Collegia literaturæ vix primis labris attingentem: Academias vocat & petit, ubi
equestria exercitia tener, artem pugillarem, & Mathematicam militarem possideret.

Talis olim & nostra Nobilitas fuit, donec successu temporis mansuferet, id poscē-
tibus viciniis, hæc tenet quietem non habentibus; svalente quiete justitiam, in tantum, ut
non minus armatam, quam togatam habeamus Nobilitatem. Talem requiri mus Regem,

A

utraq;

925016

III

utraque Cæsarem. Unde Serenissimi Condei, & Sangvinis ejus, magna apud nos exti-
matio; sed ad Electionem perplexitas summa: cum ad Dunkierikam illa de eo fuerit fa-
ma, quod in expugnatione ardua operum semilunarium, lunas dentibus apprehendisse,
& detraxisse diceretur: Przyiemscio nostro legionem Polonam ducente, ibidemque ma-
gna ex parte occumbente. Alterum, quod ad Zenefam mille quingentos militare Præ-
fectos [expugnato quideam hoste] amiserit, dolente ipsa Gallia, & fatente celum san-
gvinem ad prælia natum, indomitum, præcipitem in mortes animum, quod Gallicana,
imò & Romana pandit Historia. Eò tandem experientiae venisse, ut ipse Monarcha
Gallorum subalternum in bellis hunc Principem esse voluerit, metuens, ne exercitus ejus
in mille discrimina daretur, & securitas Regni. Habuimus hic triginta ante annos Prin-
cipes Gallorum Gramontios, hi Regem Casimirum in Moschoviam secuti id solum ege-
runt, ut præcipites sine lorica, contra Cosacos intra valla abditos, certo ictu sternentes
invasores, ruerent, ad eamque æmulationem Familiarum Principes accenderent: quo
viso Rex juvenilem inhibuit temeritatem, imposito mandato, ne aperito pectore, strictis
gladiolis, crederent se munitiones aggredi & expugnare posse; ut prius illi Principes, ge-
nus pugnandi in Polonia, longè à Gallico diversum, disserent; demum si vellent, pu-
gnarent. Multa igitur in Electione Principis de Conti cavenda, maxime vero, cum &
Gallia eo solo Principem Turenum, magis sibi acceptabilem reddidit, quod ille hoc pri-
mo in bellis moderato sangvine & fervore suo, id ipsum curavit, ut mallet unum servare
Civem, quam mille hostes perdere. Qui Princeps, si à Polonis ultro per Electionem à
Gallia peteretur, nunquam dimisisset Gallia tantum Heroem sibi salutiferum. Adde,
quod in Polonia lege vetante, non Rex, sed belli Duces regunt militem stipendiarium.
Nobilitatem solus Rex contra hostes dicit, eumque sequitur, quem elegit in Patrem sui
amantem, id unicè curantem, ut servetur in illo Republica, & sanguinis dispendia vi-
tentur. Quæ non oblitterata tenet memoria sub Joanne Alberto, brevis Imperij Rege,
qui multum Nobilitatis Polonæ florem amisit in Valachia, solius gloriae avidus, invisa
tandem obiit. Adde insuper, quod nimium martiales animi sint impatientes longioris
in Throno sessionis, ut visum est in Henrico Valesio Electo nostro, cuius martialem
gloriam, expugnations urbium, audiverunt majores nostri à Legatis, receperunt om-
ni cultu in Poloniā, devotione summâ, spe maximâ. Cumq; casu primo ipsi obve-
nit Judicium Regium, sedit pro Tribunal integrâ circiter horâ, tandem sessionis impa-
tiens, dixit ad Assessores Senatorij ordinis: Per Deum Domini Poloni, putabam me
Regem Vestrum Electum, & ecce video me fieri Juristam. Quod mali jam tum ominis
erat, de fixando in Regno Mercurio, qui ductilitatem auream non recipit. Ideoq; à to-
to Senatu rogatus per conscientiam recentis juramenti: ut mox ventura expectaret Co-
mitia, quæ non durabant olim nisi per quatriuum, vel ad summum per sex dies; non
sustinuit moram, quæ gravis putabatur. Quæ ad moderna tempora est consequentia?
ubi Comitia in longissimum extrahuntur tempus, fastidiosa Regis sessione; quid judicia?
disceptationes longæ? quanto hic & quam ducili in Principe egemus auro?

Legem habemus indubitatam, quâ apud Nos, non nascuntur, sed eliguntur Reges;
ita tamen, ut omnino non excludamus Regiam Progeniem: adeò, ut ex anteactis habe-
ant Principes, quid in futurum sperent: si rectè regant, si svaviter imperent, si dulcem
sui memoriam relinquant per rectè facta, quæ Regiæ Proli Paternâ ad sceptra pandat vi-
am; instantum, ut quicunq; nostrum bona Regalia jure advitalitio possidet, privilegio
Regis, illam possessionem [ut arbitramur] cum vitâ finiendam: Ita majori curâ & solli-
ciudine, hereditarias sortes conservamus pro filijs, & seris nepotibus. Simili modo de
regnante Principe supponimus, quod is, si certo certius sciret Prolem suam Paternorum
meritorum recordatione, ad Regnum non promovendam, nunquam tam sollicitus de
conservatione hujus Patriæ viveret, Regiæ proli suæ, extra Patriam provisurus. Unde
quæ in Repub. emergerent pericula? quæ populorum sine Paternâ in Rege curâ miserâ?
Pridem libertas Germaniæ, hanc quam Poloni metuunt, experta est sortem: quamdiu
ferentiam, per familias Principum, Imperiale Coronam habebant; quot divisiones,
exteriorum factiones, dissidentiarum atroces experti vices; quas aversati, Habsburgh-
sem Comitem, ubi elegerunt, & intaminatam pactorum fidem in eo repelerunt, tam
Catholici, quam Hæretici Principes adhæserunt, ut & avitam libertatem eligendi Impe-
ratoris sui servent, & successionem Augustæ Domîs, non interrupte currere finant; can-
tus

tus Gallicos, universam Germaniam excitantes, temnunt; ad conservationem libertatis, si in eadem domo diu permanserit, non moventur his cantibus Germani, quia Augustæ Domini bene perspectam habent pietatem, fidem germanam norunt, Procos ex Gallia admittunt, ubi Germanas aliquando elocant, sed Gallorum nuptias non procantur, Anglicanas, Hispanicas, Portugalicas, Pedemontanas, imò & Polonas legentes Historias, quanti constiterint Gallicæ nuptiæ. Sed hæc intra Parenthesim. Lumen naturæ jus æquitatis servatum semper est in Polonia, salvâ genijs libertate, observatum in vicina Germania: ubi & gratitudo erga benè regnantes, & libertas electionis compatibilia sunt. Observatum in Rege Sigismundo III. qui Paterno ex Regno exul unà cum amicis, una cum sorore, non solum advitale in Polonia habuit Regnum, sed in filiis quoq; regnavit: in amicis Polonam hospitalitatem Indigenatu, & connubij Polonorum, & Lithvanorum insertis, ad maxima quæq; in Regno admissis. Quid ad præsens dicam de Serenissima Joannis III. Prole? nonne recenti memoriâ foveat ingentia tanti Regis merita, gloriæ suæ augem? ut in nupera vidimus, & probavimus Convocatione. Crediderat aliquis, facile Regiam Prolem reddituram, ad pristinam Parentis sui æqualitatem, in qua & natus erat: huic propositioni restitit penè universalis sensus; Regiam prolem ut antea Regali in statu conservandam ex validis rationibus: nimurum hoc exemplo, nullus amplius Regum, merita sua post mortem valitura speraret, si non valerent Joannis III. Nullum ab extra assumptum, pacifice in Polonia regnaturum: tot habiturus obstacula, quot Principes conditionis Regalis memores. Totus Senatus, à Patre eorum creatus, ijsdem compateretur: tota Nobilitas beneficijs in publico & privato obligata, dulci memoria Patris, & filiorum pasta, extero Regi incognita, Sangvine, sermone, climate, humore, more, & re, defuncti Regis Filii sociata. Adde, Regiam prolem, vel Regali fastigio eminentem, vel ad æqualitatem redactam, utraq; externo Principi gravem, in Regali conditio ne æmulam, intra æqualitatem existens, securitati suæ providens, quid non ageret? quos non cieret in populo affectus? quos non poneret regnanti obices? Et si tantum valuit Soror Sigismundi Augusti sangvine Regio, quod prævaluit Maximiliano Imperatori, inito matrimonio cum Bathoreo: Si prævaluit Archiduci Maximiliano Sororino suo, assistens Sveciæ Principi, quomodo omnia pacata sibi pollicebitur externus Princeps Regiam adversus Progeniem, in quâ Primogenitus ut animo, ita & corde præpollet, cæteri succrescant.

Tertio. Quod in electione Nostra cavendum, non hoc, quod Illustrissimus Galliæ Legatus dicit, cavendum à vicino Candidato; & allegat dicta Zamoyscij, ex relatione Domini Fredro Castellani: Cave Polonia ab Austria: Hæc in eo statu est, ut ab illâ, nihil habeat timendum Polonia, cùm ad Regnum nostrum non concurrat. Electionem bis in domo habuit suâ, mordicûs illam non tenuit. Cracoviam pignoris loco tenuit & dimisit, contenta Polonâ vicinitate, quamdiu bonâ tenet non cavit, nisi cæperit esse mala. Zamoyscius Domui Suæ præcavebat, ne aliquando Princeps Austriacus regnaret; hanc ipsi cautionem crebrius occidente hortulano quodam Italo, quem Vir magnus ad confidentiam admiserat: is præcaverat, ut ab Austriâ periculum sibi imminere crederet, post captum Archiducem Maximilianum; & ut caveret sibi, voluit præcautam esse Rempublicam, minimè reflectens in Austriacâ Domo Germanam manere fidem, nec Italos mores integra per sæcula memores vindictæ, inter Gvelphos & Gibellinos in Italia servatos. An non justius præcavendum Poloniæ, à vindicta exclusi Principis Condei? cùm Orator Gallus defunctam Reginam asserit esse Italiam, & Sororem Suam Palatinam, Matrem Serenissimæ de Conti Italiam esse constat. Ergo in Principe Conti, cresceret vindicta exclusionis Patrii sui, quam promoveret Serenissimæ Consortis suæ, ex Matre & Mater terra Italus Sangvis, tertius Serenissimi Candidati ex Matre itidem Italâ. Hâc suspicio ne quidem ex allegatione Zamoyscij Civile bellum motum Sigismundo III quasi Poloniæ desereret, & secundo inito Matrimonio in Sveciam redire intenderet, traditâ Austriacis Polonia: Sed hoc falsum fuisse, victoria Sigismundi evicit, quâ modestissimè usus est, nec vindicavit calumniam, & supremâ voluntate testamenti sui, morte comprobavit innocentiam. Et Polonia ipsa Reginas suas ab Austria petens, sanctitatem earum, probiratem morum, libertatis Polonæ amantes cognovit, Regum regimen non turbando, ad se Regiam autoritatem non derivando, pro decore Gentis, etiam in Austria zelando, cùm ne sedere quidem Regina Cæcilia cum Imperatrice voluit, stantibus Poloniæ Senatricibus quæ eam comitatæ fuerant. Unde series Reginarum Austriacarum

semper gloria fuit; Casimiro Jagellonidi quatuor Reges Poloniæ, quintum Ungariæ & Bohemiæ genuit; Sanctum cœlo genuit Casimirum Sigismundo nupta altera, sanctitatem Matrimonij, & patientiam coluit. Sigismundo III. primo voto, gloriæ memoriae Vladislau IV. altero voto quarta Austriaca Regem Casimirum, Principes Joannem Albertum Cardinalem, Carolum re & nomine pium Episcopum, & Alexandrum Principem genuit. Sexta Austriaca Vladislao magnæ indolis immaturam genuit prolem. Septima brevi Michaëlis Regis regimine, Regiarum virtutum odore replevit gentem. Quod autem Ungariæ & Bohemiæ, tragica ad horrorem nostrum citantur exempla, legatur Historia. Vngaria Turcicam induxit potentiam ad se perdendam, & Austriam, & Christianitatem, A sæculo ut liberam Austria defendit, nonnisi ergo Victori cessit Austriaco, cessit ut mancipium Turicum, ut fidei & Christianitatis hostis. Similiter prævaricata Bohemia, quæ exactâ fide, pulsis Episcopatibus, reddita hâc ipsâ Dominicâ cùm Evangelium legebatur: Reddite quæ sunt Cæsarî Cæsari, & quæ sunt DEI DEO. Hæc ut terriculamenta Polonis proponuntur de propinquo, remota celantur, etiam ipsâ in Gallia: in qua nonne fuerunt status? nonne fuit libertas Ordinum? nonne Comitia? nonne Jura antiqua Galliæ, quibus jus erat liberè dicendi, & Monarchs suos declarandi minoretines etsi maturos ætate, & grandævos, cùm de alienatione Provinciarum ageretur. Hæc omnia non ita pridem frænata, & ad absolutum perducta Imperium. Nonne à Gallia timent Anglicana Parlamenta, tria Anglorum Regna, & tot experientur divisiones, ne tres illæ Gentes sint liberæ, ne sint potentes, ut divisæ soli Galliæ serviant. An Gallia sinit esse Germaniam liberam, subjugata Lotharingiæ liberiæ, subjugatis quatuor Electoratibus, subjugatis liberis civitatibus, & in servitutem redactis? Libertati federati Belgij succurrat, cùm excutiebat jugum hæreditariū ab Hispanis, eandem postea inundavit armis, ægrè dimisit, cùm Germani pericitatibus pararent succurrere inferioris Germaniæ populis. Nunc tam cruentum cum Galliâ geritur bellum, pro sola libertate, quam tam Marte quam arte moliebatur occupare. Unde si ab Austriacis liberæ genti cavendum, tanto magis ab ijs, qui æstuant angusto limine mundi: cùm jam pridem sitim Provinciarum extinctam cernimus in Austria, & ortam in Galliâ: quam à Poloniâ distare, ignarus rerum dicet: cùm non procul à Posnanjâ distanti Berolino minaretut, nisi Stetinum restitueret Sveco; imo & Dantisco mari vicino bombardationem. Quæ consideratio non levius momenti fuit apud defunctum Regem nostrum, quam ipsi olim Galliæ Legati non remotam à Poloniâ dicebant Galliam, cùm eidem subsidia promitterent Vasconum: præsertim verò cùm & defunctum Regem non latuit, quantum Moschorum Ministri Gallicis faverent Emissarijs, quid ijdem Emissarij, Constantinopoli, in Crimea, imò in Perside agere soleant: maximè verò cùm à Gallico Ministro, Domino de Lumbres, recto decæterò Viro, toties ab ore audivimus, Polonus, Reges pactis conventis ligare solere, ut in quocunq; puncto leserint pacta conventa, illicò absolvî à subjectione Polonus. At cùm eidem Regi liberimas claves consignarunt ad corda hominum per justitiam distributivam, eodem Reges, libertatis suæ arbitros effecerunt, ut Rex quidquid velit, perficiat in Polonia. Ita Monarcha vincit illorum eloquentiam, vincit jura, vincit Status & Ordines si velit, vincit odia, vincit malos, vincit bonos; Unde nullibi fragiliorem libertatem quam in Poloniâ; nullibi solidiorem ad absolutum Imperij gradum, quam per justitiam distributivam, quæ universos Reges superat, sine dispendio Thesauri sui hos elevando, alios deprimento, spirituales, seculares, milites, cives, plebejos: esseq; solum Regem, cui omnia vivunt. Hic Gallici Legati sensus, & reflexio. Ergo Rex ex Gallia sumptus dum habet quod dividat, habet quô imperet absolutè, quod nobis semper timendum; maximè verò cum Dalila Gallica, ubiq; sive remotos, sive vicinos debiles reddit Samsones; ubiq; secreta popolorum rimatur, ubiq; ad amorem sui delicijs attrahit, & illicijs, ut Princeps, dummodo ei arcana fortitudinis suæ pandat, actum est & de Principe, & de Gente. Dalila idiomate Sarmatico longinquam significat: ergo Gallica polities est, quæ de longinquo venit, sed Samsones nostros in soporem inducit, in sinum recipit, sic allectos delicijs sternit. Ergo Samsones nostri, vel Leones discerpere soliti, dulci sopore primò obdormiunt, mox & robur amittunt. Non timuerunt Majores Nostri vicinam in Ungaria Budam, nec Valachiam, nec desertos circa Borysteñem campos, ubi militaria capiebant rudimenta. Ubi longinquæ, id est Dalilæ træcti illicijs, remotam Galliam petijmus comptuli, delicijs fracti redimus, illâ ipsâ sequente reduces: ut remotas etiam in Gentes, amorosa dilatet philtra. De rei veritate Charissima Patria dubitas? recentes hujus sæculi lege historias. Quis Principum in Europâ phil-

tri hujus exp̄s? Venetam si exceperis Rēpub. quam solam alienis periculis cautam sapere videamus, diu noctuq; severā invigilare censurā in Magistratus & Cives suos. Respicere pr̄potentem Angliam, vide remotam Sveciam & intermedium Daniam, vide Germanicum Imperium, & ejus Principes, considera Italiam, ut missas faciamus tot Insulas transmarinas, quas Dalilæ Gallicæ non adiit philtum, vel incantatio? Ad nostra redeamus; nonne Gallica incantatio effecit, ut virilium rerum curas Reginæ Gallæ assūperint, Polonasq; mulieres eō vocaverint hoc tempore? Antea rem domi familiarem curabant, prolis educationem, redditum maritorum intra propria limina pr̄stolabantur, procul à comitijs, procul à cōtu Virorum residentes, honorato vestitu eoq; Religioſo incedentes: procul corporis nuditas & gestus; ad manus precatoriū globuli, Sacrae histōriæ lectio, scribendarum ſchedularum aversio, maritalium in publico expensarum per mulieres restauratio. Hæc Polona & antiqua morum ratio. Ex Gallia venit, ut mulier priorem p̄e marito jam nunc occupet locum, ut ad comitia veniat, alia celebrante marito cum Rege, alia celebrante uxore cum Regina: imo celebrantibus maritis comitia ſub arbitrio foeminarum ſupra ſedentium, dicta virorum obſervantium, signa loquendi, quod dedecus Gentis, coturnis Gallicis diſtribuentium, luxu ſuo in victu & amictu, ſortes maritorum, ſuccreſcentis prolis conditionem, miserae Reipub. extenuationem, Comitiorum protelationem, militum diuturnam expeſtationem gravantes, Diuina humanaq; jura pro libitu examinantes. Serpit malum à majoribus ad minores, ab audentioribus ad modeftiores. Quid de Gallico dicam famulitio, quo replentur Domus Magnatum, ne dicam Aulæ? pediffequi & pediffequæ domos regunt, ſupplantant mores, & carpunt antiquas conſeruudines; magistri cæremoniarum, elegantiarum arbitri, nihil bonum, nihil decorum, quod non est Gallicum. Hoc contagium ab Aulâ ſerpit in Magnates, mox inundabit Poloniā, ni maturè ſapias charifima Patria. Nonne Condeus Princeps vivente Rege Casimiro, contra jura Regni ascendifſet ſolium [nisi Nobilitas maturè reſtitifſet] deceptio Czestochoviæ ſubſcriptionibus Senatu? Nonne deceptio Rege Casimiro, & oblivioni dante carcerem Gallicum, hæreditarij Regni per pacta Olivensiæ ereptionem, & centum millibus extenſam Livoniam mediatione Gallicâ tandem ad abdicationem adduētum; Mediomatici regaliter receptum, mox in Gallijs non ſuccedente ex voto Electione neglectum; & ex desperatione de pulchro Hospitali cogitantem, tandem audivimus moruum, non moriente cum eo Indole Polonâ, quæ cum poſtliminiō reduxit, & majorum cineribus appoluit.

Quartò. Sed jam ad promissa Gallica redeamus. Mifisse Galliam ante triginta annos, duos millions per Abbatem Fantonium impetratos, in Polonia ſeminandos; ſed non Iulia, quia lolia pro ſemente habuit. Promifit per Palatinum Rey longè minorem ſementem pro exercitu, victoriam ſperante Reginā; ſed cum hæc ſeminatio, tam ad Clarum Montem, quam ad Palczynum, ſtragem militum Galliæ militantium produxit, ſecuritate Reipublicæ in Comitijs opus erat, pro illa pecunia Reginæ antefacta. En Gallica promiſſa, fructus & eventus. Alia promiſſa erant cum Principe Longevillano ad detruendum Michaëlem Regem, ſed hæc cum vita Principis illius in bello cadentis evanuerunt. Tertio loco promiſſa erant ſub Rege Joanne pro bello ſacro experta, miſſo Legato, qui consumptis decem millibus Ungaricalium ea retulit: quod tantus Monarcha, reliquorum Principum erat ſuperaturus liberalitatem præfixo tempore. Unde cum ſingulis annis, à Summo Pontifice prop̄e ſingulos millions habuimus, ab Imperatore primā vice ultra millionem accepimus, à binis Galliarum Legatis audivimus, pecuniam jam Hamburgi locatam pro nobis esse. Tandem in termino post Neomagensem pacem factam, miſimus Legatum Regni Cancellarium, & proximitate matrimonij Regi nostro junctum: iterum decem millia ungaricalium impendimus, tandem perceperimus primam legationem nostram Gallos quidem, privatos Legati nostri millions accepiffe pro venditione bonorum fuorum, nobis tantum promiſſe Gallicos millions. Altera legatione peculium nostrum æquè consumptum ut priori: Galliam contentam ex depreciatione pro laſione Marchionis Vitry, nullâ amplius mentione facta promiſſorum; Nos tamen Viram magnum & amantem Patriæ perdidimus, ſpe quâ laetabamur vacui. Sed ecco iterum Gallica promiſſa; pro novo Candidato millions offert ſolvendo militi confæderato. Inaudita liberalitas & meritò ſucepta, ſi Gallis eadem præſentaretur, papyraceas ſchedulas militi ſuo numerantib⁹ præſenti neceſſitate, an acceptaret hanc eleemosynam, hanc stipem? Prudens eſt Gallia, indignum crederet & ſibi injuriosum donum simile,

nisi

nisi se ad incitas redactam profiteatur. Ergo Polonus hāc oblatione miseros, calamitosos credit? Injuriam facit, luxum Genti & militiae induxit, quem à seipsa expulit, ejecit, nullibi in Europa receptum, nisi in Polonia; hic nutriendum sperat, & clamantem credit: affer, affer, ut male cauti Poloni, abolitis legibus Patrijs, contra hanc pestem, quæ domi forisque grassatur, pretiosum unionem Coronæ suæ tandem vendant: cùm interea jam decrevit Polonia proprio ære hic & nunc solvendum militem, ne venalis fiat ambitioni externæ, cùm adhuc se novit nisi solo luxu depauperatam, singulis annis restaurandam, in tanta qua pollet rerum copia nascentium quotannis frugum. Constat est & magnorum Virorum judicium & à pluribus annis propositum, nec hucusque acceptatum: si liquidum Poloniae & Lithuaniae elementum biræ, universaliter contributioni subiçerimus, singulis diebus eam numeraremus pecuniam, quæ absolveret ab omni alia populū aggravatione, cuius clamor ad Deum ferit sidera, & ideo non prosperamur maledictione Dei. Hamata igitur non amata sunt Galliæ dona. Ergo Danaos & dona ferentes timeamus. An Reges Angliæ, Daniæ, & Sveciæ, imò & Poloniæ Gallicorum donorum non poenituit? An non Electores Imperij & Principes, qui diuturno bello nunc exhauriuntur, Gallicis priùs inescati pensionibus?

Quintò. *Electio Nostra*, cùm sit omnium & singulorum simul, nemine contradicente, omnibus consentientibus; ergo debet esse unanimis, concors, & in Spiritu Sancto congregata. Si discola, si discors, non erit *Electio* unius, sed intrusio plurium, quos inter Victor dabit leges, nec accipiet à Polonis pacta. Ergo amissam lugebimus libertatem, duram posteritati nostræ relinquemus servitutem, vel dividemur plures inter Dominos contemptibiles servi, quod Deus avertat; ut jam bis à Majoribus nostris avertit in *Electione* Stephani & Maximiliani Imperatoris, & in *Electione* Sigismundi cum Maximiliano Archiduce. Unde memores Divinæ gratiæ, ultimis *Electiōnibus* nolauimus tentare Deum, servavimus unitatem universi, & si aliqui nostrū, aures externorum dedimus suggestioni, noluit Nobilitas factionibus exterorum non assvera, sorte suā contenta, ire in bivium, cadere in victimam externorum ambitioni, pretium sanguinis accipere ex manibus Legatorum, & illud mittere in carbonam. Ideò Divinitū respexit Dominus Nobilium corda, & Magnatum animos armatos ita confudit, ut terribilior ipsis appareret Nobilitas, quam propriæ phalanges, & in finibus Regni exterorum subsidia. Unde ad instar miraculi electus Michaël, recognovimus omnes, Quis ut Deus? In altera *Electione* unum identidem elegimus, & gratiam Dei in Joanne agnovimus, quia bello Civili non consumpti. Ergo ut est dulce inexpertis bellum Civile, ita experti illud vitabimus, tot internis divisionibus præmoniti, Confœderationibus exercituum, Tartarorum & Cosacorum minis. Hæc omnia nos præmonent, edocent, ut caveamus iram Dei: minantur ut eandem deprecemur: divisionem indigitant, ut ad unionem curramus: diluvia sanguinis promittunt, ut fugiamus in montes Divinæ humanæque Sapientiæ.

Ultimariè itaque reflectamur super eo, qualis fuit antea Patria nostra, qualis modò est. Modestè & fortiter sub Monarchis educata, post Sigismundum Augustum Virago in lucem prodiens, ora & oculos in se convertit, paronymphos prudens audit, & procos admisit ut sapiens, ut decora: Tandem ad senium inclinata, à Rege Casimiro dimissa cum dolore suo, sumpsit Civem Regale ad solium, eā conditione, ut juramento obligaretur se nunquam dimittendam; illo brevi obeunte vel fatiscente, iterum non externum sed Civem respexit, qui apud se natus, educatus, juribus suis assuefatus, ijsdemque parere doctus, eam susciperet, juramentum tandem vinculi sui deprecatus tam firmiter, ut consentiente eādem Republicā, ab eo liberaretur, eò quod diffiteri non poterat eadem Respub. legum suarum inobsvrantiam, quarum alias jam antiquatas, recentes contaminatas, libertatem minui, licentiam crescere, mensuram Juris, vim esse in Magnatibus, oppressionem in pauperibus, quibus non erat adjutor. Sessiones Thronicas, ceu turricas, graves, à quibus ne quadrante licet abesse soli Regi, quod licet Magnatibus, & Nuncijs terrestribus. Sancitorum executio penè nulla, interpretatio varia, densæ constitutionum sylvæ, legum potestas & robur debile. Ideoque vasti ille animi Princeps, non raro admittebat cogitationes propriæ eliberationis ab hoc nexu, videns leges, & mores Patriæ, in dies ruere: & hoc inter suspiria non raro intimi ejus percipiebant, quomodo benè nota patientia ejus, indefessa bello paceq; sapientia, longanimitas immensa, incomparabilis bonitas, ubi semel defecit, ad hæc extrema ducebatur.

Faciamus

Faciamus ergo consequentiam, de eligendo Principe, toto cælo à nobis distante, an nostros mores tolerabit? an nos Ipsius? an ille qui assuevit ad magnalia agenda in Patriâ suâ, solum Deum & Monarcham suum sibi superiorem agnoscendo, se aliquando possibilem tantæ Monarchiæ successorem? Jam in Polonia novum vivendi genus profitebitur. Correges ultra centum viginti in Senatu, ultra ducentos in Equestri Ordine, quibuscum deliberare & concludere, statuta & constitutiones firmâ tenere memoriâ, audientias Senatoribus sedendo dare, Proceribus Equestris Ordinis stando, infinitas petitiones auscultando, & cum Doctore Gentium dicendo: vivo ego iam non ego; sed vivit in me populus ingens, populus non unius labij. Vacat plerumque crebra liberalitatis Regiæ occasio, decem competitores currant, merita sua & Natalium splendorem exponendo: Si Rex deliberaverit, & uni tandem quod multi petunt dederit, unum amicum parat, novem concurrentes cum suis Familij offendit, quod hunc, cui dedit, cæteris prætulerit. Adde, quod Princeps ille Gallus ad ardua per saxa & ignes promptus & alacris prorumpit: In Polonia verò suspenso & lento passu ducuntur Reges. O quanta patientia? quantum cordolium? quanta indignatio? Unde felicitatis nostræ est, quod Regiam prolem ad hæc martyria assufieri credamus, magni Parris vestigio. Hæc pro libertate Senatoriâ, pro ingenuitate Polonâ, non placendi studio, dicta sunt, sed præcavendi desiderio; ne Patriæ nostræ serum poenitere, vel Serenissimis Candidatis superveniat; si voluerint Hispanum illum præmonentem Monarcham aspernari, qui diademati inscripsit:

TOLLAT, QVI NON NOVIT.



